



SH. SH. "UNIVERSITETI
MARIN BARLETI"



Universiteti Marin Barleti

Nr. prot. 2411 Tiranë 7.8.2019

Spitali Universitar Obstetrik Gjinekologjik

"Mbretëresha Geraldinë"
Nr. prot. 180 Tiranë 07.08 2019

Marrëveshje Bashkëpunimi

Ndërmjet:

Universitetit Marin Barleti

dhe

Spitali Universitar Obstetrik Gjinekologjik "Mbretëresha Geraldinë", Tiranë

Duke mbajtur parasysh se:

- *Institucionet e arsimit të lartë janë qendra kryesore të kërkimit shkencor kombëtar dhe është detyrë e tyre të përpunojnë e të përçojnë në mënyrë krijuese njohuritë shkencore;*
- *Është në interes të ial-ve të vendosin një raport të qëndrueshëm bashkëpunimi e shkëmbimi akademik, shkencor e kulturor;*
- *Palët synojnë shkëmbimin e dijeve dhe rinovimin e njohurive të përbashkëta përmes leksioneve të hapura, seminareve, trajnimit në laborator dhe praktikave;*
- *Palët synojnë ngritjen dhe zhvillimin e një sistemi të përbashkët kooperimi që do të promovojë specialistë të mirëfilltë mjekësorë.*

Palët bien dakord të bashkëpunojnë, për krijimin e një bashkëpunimi afatgjatë në kuadër të mësimdhënies e kërkimit shkencor në fushat e mjekësisë e shëndetit.

Neni 1

Qëllimi dhe Objekti

1. Kjo marrëveshje ka si qëllim rregullimin e bashkëpunimit midis institucioneve firmëtare, duke përcaktuar detyrimet e përgjithshme të palëve, drejt realizimit në një moment të dytë të marrëveshjeve specifike lidhur me fushat e bashkëpunimit e shkëmbimit të listuara në pikën 2 të



këtij neni. Në marrëveshjet specifike do të detajohet lloji i aktiviteteve të përbashkëta, si dhe çdo detyrim financiar midis palëve.

2. Objekti i kësaj marrëveshje është bashkëpunimi dhe mbështetja reciproke midis palëve në fushat si vijon:

- a. Shkëmbim të stafit akademik/mjekësor dhe personelit teknik;
- b. Praktika mësimore në kuadër të procesit akademik dhe specializimeve;
- c. Aplikim të përbashkët në projekte dhe programe të ndryshme bashkëpunimi;
- d. Organizim të seminareve, konferencave, publikimeve dhe aktivitete të ndryshme shkencore;
- e. Përdorim të ambienteve respektivisht për praktika, laboratore, seminare, konferenca etj;
- f. Promovim të palëve në kuadër të aktiviteteve të secilit partner.

Neni 2

Kohëzgjatja e marrëveshjes

1. Kjo marrëveshje hyn në fuqi në momentin e firmosjes nga përfaqësuesit e të dyja palëve dhe mbetet në fuqi për 4 vjet nga data e firmosjes.

2. Me përfundimin e afatit, nëse asnjëra nga palët nuk shpreh vullnetin për t'i dhënë fund, kjo marrëveshje rinovohet për një afat tjetër 4-vjeçar.

Neni 3

Informacion mbi palët

1. *Universiteti MARIN BARLETI* (në vijim Marin Barleti) është një universitet privat, i cili ndër vite ka promovuar një nivel të lartë edukimi, duke synuar të zhvillojë prirjet e çdo studenti, me objektivin e krijimit të ekspertëve më të mirë, të aftë për të konkuruar në tregun ndërkombëtar. Misioni i Univeristetit është krijimi i një institucioni akademik elitare, bazuar në praktikën e vlerat më të mira ndërkombëtare, me programe shumëdisiplinore të vënë në jetë nga akademikët më të mirë shqiptarë.

2. Spitali Universitar Obstetrik – Gjinekologjik "Mbretëresha Geraldinë" (këtu e në vijim SOUGJ) është spital i nivelit të tretë, ku në bazë të një koordinimi drejtuar nga Ministria e



Shëndetësisë referohen raste të ndërlikuara ardhur nga gjysma e shërbimeve dytësore të vendit. S.U.O.GJ është person juridik me zotësi të plotë për të vepruar. S.U.O.GJ është institucion publik në varësi të Ministrisë së Shëndetësisë u quajt Materniteti nr.1 në dt. 08.12.2004 me urdhër nga Ministria e Shëndetësisë i vihet emri: Spitali Universitar Obstetrik Gjinekologjik "Mbretëresha Geraldinë", emër që mban dhe sot.

Neni 4

Të drejtat dhe detyrimet e partnerëve

1. *Universiteti Marin Barleti:*

- a. Marin Barleti angazhohet në ofrimin e ambjeteve për trajnime, workshope, forume, konferenca kombëtare, konsultime, fushata informimi, promovimi e ndërgjegjësimi etj;
- b. Marin Barleti angazhohet, në bashkëpunim me partnerin, për të ndërmarrë të gjitha nismat dhe hapat e nevojshëm organizativë për programimin e çdo aktiviteti e nisme të rënë dakord midis palëve në zbatim të objektit të kësaj marrëveshje.
- c. Marin Barleti angazhohet të mbështesë dhe t'i ofrojë kontribut SUOGJ, me kërkesën e tij, duke vënë në dispozicion specialistët e tij më të mirë;
- d. Marin Barleti shpreh vullnetin për të bashkëpunuar e sjellë rezultate pozitive në drejtim të partneritetit dhe realizimit të objektivave të Universitetit për ngritjen dhe konsolidimin e Fakultetit të Mjekësisë në përputhje me legjislacionin shqiptar dhe standartet më të mira në nivel evropian;
- e. Personi i kontaktit do të jetë: Z/Znj Adriana Kopani

2. *Spitali Universitar Obstetrik-Gjinekologjik "Mbretëresha Geraldinë":*

- a. S.U.O.GJ angazhohet në ofrimin e ambjenteve spitalore të nevojshme për realizimin e laboratorëve, praktikave dhe specializimin e studentëve të Marin Barletit;
- b. S.U.O.GJ angazhohet në bashkëpunimin dhe pjesëmarrjen në trajnime, workshope, forume, konferenca kombëtare, konsultime, fushata informimi, promovimi e ndërgjegjësimi etj;
- c. S.U.O.GJ angazhohet, në bashkëpunim me partnerin, për të ndërmarrë të gjitha nismat dhe hapat e nevojshëm organizativë për programimin e çdo aktiviteti e nisme të rënë dakord midis palëve në zbatim të objektit të kësaj marrëveshje;
- d. S.U.O.GJ angazhohet të mbështesë dhe t'i ofrojë kontribut Marin Barleti, me kërkesën e tij, duke vënë në dispozicion stafin e nevojshëm mjekësor dhe ndihmës;



SHLUI "UNIVERSITETI
MARIN BARLETI"



- e. Personi i kontaktit do të jetë: Z/Znj Adriana Kopani
3. *Palët bashkarisht bien dakort si vijon:*
- të organizojnë takime periodike, të paktën 1 (një) herë në vit;
 - të bashkëpunojnë në çdo fushë tjetër të pa listuar më sipër, brenda objektit të tyre dhe për të cilët palët kanë kapacitetet e përshtatshme profesionale.

Neni 5

Dispozita të fundit

1. Kjo marrëveshje mund të ndryshohet në bazë të konsensusit ndërmjet palëve firmëtare, të shprehur në një dokument të shkruar.

2. Mosrespektimi i detyrimeve që rrjedhin nga kjo marrëveshje bashkëpunimi, nga njëri prej partnerëve, çon detyrimisht në prishjen e saj. Vullneti për mbarimin e marrëveshjes para afatit, komunikohet me shkrim nga partneri, duke argumentuar arsyet e këtij veprimi.

3. Kjo marrëveshje përmban 4 (katër) faqe dhe hartohet në gjuhën shqipe në 4 (katër) kopje origjinale me të njejtën vlerë ndër të cilat 2 (dy) i mban Marin Barleti dhe 2 (dy) SUOGJ "Mbretëresha Geraldinë".

Duke marrë parasysh përcaktimet e mësipërme palët ranë dakord:

SHLUJ "Universiteti Marin Barleti"

REKTOR

Prof. Dr. Mavriqele SPIRO



S.U.O.GJ "Mbretëresha Geraldinë"

DREJTOR

Prof. Asc. Miona DEMALLAJ